

THUMGAWM KHAT

Khat kia a nungta dingin mihing kipiango a,
Khatkia a nuamsa dingin mihing nungta theilo hi.

Kei thu in kapiang kei a,
Kei thu in kanungta thei kei hi.

Kei thu lo in kapiang a,
Kei thu lo in kasi ding hi.

Minih hangin mi in kapiang a,
Minih hangin mithum na ka hi hi.

Suangthuuthum thukkhat i ci a,
Tothum pasian khat ki ci hi.

Atawntung in thum i om a,
Tua thumin, nang, kei le pasian ahi hi.

Hih thum omkhawm tawntung a,
Hihthum te kikhenkhia thei lo hi.

Khenkhia in nih-khat nasuah a,
Kei le pasian ci in, "nang" nongki helkha kei hi.

Nang le Pasian ci-in, nong khenkhia leuleu a,
Tua thumsungah, kei nong kihel sakkei leuleu hi.

Pasian in nang le kei a ding hi a,
Keilo in nang Pasian tawh nakigawmthei tuankei hi.

Thumgawm ciang khat ih suaka,
Nang lo in thum kacing thei kei hi.

Tua hi a,

Khatkia ading nungta omlo,
Khatkia ai dinga si omtuanlo,

Thumgawm sungah nungta den in,
Thumgawm sungah kizom den leng,

Thum gawm Pasiangkhat om na,
Tawntung nunnuam, lengvansiangah, zaitha
tawldam gamhbang luahnanghi.